

- MOUN KÉ DI -

*Si nou kité van pòté badjol
Fo nou asiré sé bel pawol.
Sa vré lanmen-w toujou bien séré dan ta-mwen,
Dépi ou ri akondi ou an larmoni ta-mwen*

*Listwa-tala pé ké ni an chans
Fo pa nou konté asou lespérans
Ni an léman ka fè kè nou toujou tou pré
An lakol ka maré nou lè nou ka dansé.*

Refrain :

*Pa gadé mwen kon sa
Pa souri ba mwen kon sa
Pa rété tou pré kon sa
Non, pa séré mwen fò kon sa*

*Moun ké di nou ansanm
Sé lanmou sa ké sanm
Kon si nou mari é fanm
Pas moun ké di nou ansanm*

*San nou palé nou ka konprann nou
Pa bizwen kouté pou nou tann nou.
Nou pa bizwen chanté pou nou awmonizé.
Menn dan silans nou sav poutji nou liyanné.*

*Sé kon si nou adan anlòt lavi
Ka révé ansanm tousa nou anvi
Moun pé di, palé palé blablabla
Tanpi pou yo, nou bien kon sa*

Refrain

*Laissons-les dire
Mieux vaut en rire*

*Ce n' sera jamais pire
Que de nous mentir*

*Nou pé ké fè lavi-nou ansanm
Lanmitié-nou sé kon pli bel flanm
Nou sav tousa nou pé partajé
Mé nou pé pa fè lavi-nou ansanm*

*(Lavi nou ansanm)
(Wi kon pli bel flanm)*